

№ 3

კვირა 14 დეკემბერი, 1924 წ.

№ 3



მ. შ. ბი.

ს. ნ.

მელს ბერელიდან ამოიყვანს ჩეკა ფხიზლად მაძებარი. ცული ბქენი, ქვას დახდევო, გაიარე წინ დაგზღება;
 მელს ფებლაფებ დაეწევა ჩეკა სწრაფი ვით მწევაარი. რასაც იზამ „საკემეს“ კარგსა“, ყველა ზურგზე დაღაგზღება.

შემცირება და გაწმენდა

შე არ ვიცი ქვეყნად თუ ვინმე მოიპოვება ისეთი ადაპიანი, რომელმაც არ იცოდეს თუ რას ნიშნავს: შემცირება და გაწმენდა.

შორეულ წარსულს თავი დავანებოთ და დაიწყოთ ახლოდან.

ათი წლის უკან ბურჯუაზიამ მოსახლეობის შესამცირებლად დაიწყო მსოფლიო ომი, რამაც ჩინებურად (დიახ, ნამდვილ ჩინებურად) ჩაატარა შემცირების კამპანია.

ცხრაას ჩვიდმეტიდან ზოგიერთ ქვეყნებში ხალხმა დაიწყო მეფეების შემცირება.

პირველად ოუსეთმა შეამცირა მეფე, შემდეგ გერმანეთმა, უნგრეთმა და ოსმალეთმა.

სხვა ქვეყნებშიც არის საამისო მუშაობა და ჩვენ მოწამენი ვიქნებით შრავალ მეფეების შემცირებისა.

მაგრამ მართა შემცირებას არ შეუძლია ცხოვრების გაჯანსაღება. ეს ყველაზე უწინ მუშებმა შეიგნეს და ოქტომბრიდან შეუდგენ შემცირების შემდეგ ქვეყნის გაწმენდას.

გაწმენდა უფრო ძნელი საქმეა, ვიდრე შემცირება. ოთხი წლის განმავლობაში ენერგიული შრომით და ბრძოლით როგორც იქნა გაწმინდეს რუსეთი. წმენდის უკანასკნელი კამპანია დასრულდა ჩვენში 1921 წლის 25 თებერვალს.

ვინც ამ ხნის განმავლობაში ქვეყრაში არ იყო და თვალყურს ადევნებდა ცხოვრებას, უსათუოდ ეკოდინება თუ რას ნიშნავს: შემცირება და გაწმენდა.

ამას რომ თავი დავანებოთ, მაინც უნდა ვიცოდეთ, რადგან ბევრი ჩვენგანი თითონ ყოფილა ამის მსხვერპლი.

დღეს შემცირება ცხოვრების ყველა დარგში ხდება: სახელმწიფო დაწესებულებებში და ოჯახშიც. ამის დასამტკიცებლად გადავშალოთ რომელიმე დღის ჩვენი გაზეთები, ანდა სასამართლოს ოქმები. და ჩვენ ვნახავთ:

- თავი მოიკლა,
- თავი მოიწამლა.
- თავი დაიხრჩო.
- მოჰკლა.
- დაახრჩო.
- ცოლი გაუშვა.
- ქმარი გააგდო.

- იპოვეს ახლად შობილი ბავშვი.
- მტკვარში ნახეს დამხრჩვალნი ბავშვი.
- გაქურდეს.
- მოიპარეს.
- გაიტაცეს

და კიდევ რამდენია ასეთი შემთხვევები.

ბევრს ჰგონია, რომ ქვეყანა იღუპება, თუ რაიმე საშვალეა არ იქნა ასეთ მოვლენების წინააღმდეგ მიღებული.

აქ საიშარი არაფერი არ არის. აქ ხდება: შემცირება და გაწმენდა.

თავის მოკვლა, დახრჩობა, მოწამლა და საზოგადოთ სიკვდილი არის სიცოცხლის შექცირება. ზოგი ქვეყანი თვითონ უშვება თავის სიცოცხლეს შემცირებას; ზოგს სხვა უშვირებს.

ქმარი ცოლს გაეყარა, ანდა ცოლმა ქმარი გააგდო; ეს არის ოჯახში, ასე ვსთქვათ, შტატის შექცირება, ანდა ერთ ერთის შტატის გარეშე დაჩენა ამ ოჯახში. ცხადია „ოჯახის“ ნამდვილი შემადგენლობას არაფერი აკლდება, რადგან ქმარ და ცოლ გაყრილნი ისევ ახდენენ შტატის შეკვებას და ხშირად ერთის მაგივრად სამოთხს ჰმატებენ. ოჯახს საყვარლების სახით.

ხშირია ისეთი მოვლენაც, როცა ცოლ-ქმარი ერთმანეთს მალულად სტოვებენ შტატს გარეშე. მაგრამ ეს ჩვენ არ გვაინტერესებს ეხლა.

რომ ღრმად ჩაუკვირდეთ ქურდობას, გაცარცვას და მოპარვას, ჩვენ დავინახავთ, რომ ამ შემთხვევაში ტარდება როგორც შემცირება ისე გწმენდა

ამისათვის როგორც ცენტრში, ისე ყველგან არსებობს ქურდ-ბაცაცთა საგანგებო ამანაგობა, რომელიც ამ ბოლო დროს მეტად ნაყოფიერად აწარმოებს მუშაობას: მცხოვრებლებს უმცირებენ და უწმენდენ ოჯახს.

მილიციას ევალება ხელი არ შეუშალოს სხენებულ ამანაგობას, რომ სასურველად დასრულდეს მცხოვრებთა ოჯახის შემცირება და გაწმენდა. ამ მხრივ მილიციას ვერ ვეტყვით დიდ მადლობას, თუმცა არც დიდი საყვედურის ღირსია.

უნდა ითქვას, რომ შემცირებასა და გაწმენდას შორის არის განსხვავება.

დღემდინ ჩვენში ხდებოდა უმთავრესად შემცირება, ხოლო ამ ბოლო დროს მიჰყვეს ხელი გაწმენდას.

მუშათა და გლეხთა ინსპექციის სახალხო კომისარი ამხ. ან. დოლიძე რკინის ცოცხით შეუღდა ჩვენი დაწესებულებების გაწმენდას. მართალია, ამისათვის იგი საყვედურის ღირსია ყველა ცხვრის ქურქში გახვეულ მგლებისაგან, მაგრამ გაწმენდისათვის ტარტაროზი დიდ მადლობას უყვადებს და, ცხადია, როცა ტარტაროზი სწყალობს— „წმინდანები“ ვერაფერს დააკლებენ.

შემცირება და გაწმენდა მარტო ტფილისში არ ხდება. მართალია სხვა ქალაქებში და დაბებში ჯერ კიდევ ასე მკაცრად არ ტარდება, მაგრამ ამხ. ან. დოლიძე როცა ტფილისს მორჩება, იქითყენაც გაეშურება თავისი რკინის ცოცხით.

შემცირების და გაწმენდის მნიშვნელობა ყველა მოქალაქეს შეგნებული აქვს. ასე მაგალითად, ჩვენი აგენტი (პ. ობოლი) ბათუმიდან შემდეგს იტყობინება:

— „ჩვენმა მეზობელმა ივანემ შემცირება მოახდინა და შტატს გარეშე დასტოვა თავისი ცოლი კესარია“. „დათიკო ერთი ძუძუმწოვარა ბავშვით დაკმაყოფილდა და მეორე ჩვრებში გახვეული ჩაუგდო გიგია თავდიშვილს“. „მეეტლე გიგუმ შემცირება უყო ეტლის თვლებს და ე“ლს სამი თვეებით ატარებს“. „აღვილობრავმა მიკიტნებმა მოახდინეს თეფშების შემცირება, რის გამო პარველს და მეორე კერძს ერთს და იმავე თეფშზე ასხმენ“.

ჩვენ გვაქვს ცნობა, რომ ერთ პიროვნებას (ჯერჯერობით არ ვასახელებთ) თავისი ოჯახის შემცირების ასეთი გეგმა ჰქონია შექმნილი:

„ცოლის შტატის გარეშე დატოვება, მის მაგივრად სამი საყვარლის აყვანა. მოზრდილი ქალის მიკიტნისთვის მიტხოვება, პატარა შვილის ქუჩაში გაშვება, მოხუცი მამის, როგორც „ძველი“ კაცის სიკვდილით დასჯა, დედის განთავისუფლება თავის მზრუნველობისაგან“.

ამ გვარად ჩვენ ვხედავთ, რომ შემცირება და გაწმენდა ყველასათვის სასარგებლოა, მაგრამ არის ჩვენში კიდევ ისეთი ხალხი, რომელსაც დღემდინ ვერ შეუვნია ეს ანბანური ქეშმარიტება.

ეს ხალხი გახლავთ მუშკორები და საზოგადოთ ყველა კორესპოდენტები. წერილის და აზრის შემცირება და გაწმენდა ვერ გაუგიათ. მართალია ტარტაროზი ახდენს შემცირებას და გაწმენდას მათ მიერ გამოგზავნილ წერილებისა, მაგრამ შემცირების და გაწმენდის შემდეგ არც ერთი სიტყვა აღარ რჩება ქალაქდზე და აპიტომ პირდაპირი მარტუტით უჩირო კალათის აკენ ამგზავრებს.

ტარტაროზმა გადასწყვეტა მოახდინოს კორესპოდენტების შემცირება და გაწმენდა, რასაც აცხადებს მათ საყურადღებოთ.

კოლანა.

ქველმოქმედი.

1.

ცხოვრობდა კაცი ერთი,—
სავლე სახელი მისი,—
ერთგვარად აწუხებდა
დარდი თვისიც და სხვისიც.
როცა ჯიბეში ცოტა
გაუჩნდებოდა ფული,
არ ასვენებდა მრავალ
საყვედურებით გული.
ეუბნებოდა:—სავლე,
რათა ხარ ძუნწი ასე?..
როცა მდიდარი გახდი,
ფულით გაქვს ჯიბე სავსე,
მოყვასისადმი გრძნობა
რად უნდა გქონდეს მტრული;

ვინ იცის, რამდენია
დღეს ხმელ პურს მონატრული.
აი, თუნდ, გახსოვს კარგად,
საქუა მიკიტანი...
შენე, ჩამოდნა როგორ
იმისი მსხვილი ტანი...
მუშტრები ძველას ძველი
ერთ დღეს გაექცა ყველა,
დღეს უნდა, ძმო სავლე,
შენს მხრიდან იმს შეველა...
არ გახსოვს, მეგობრებში
ერთხელ რა რიგათ გაქო,
და ამის ნაცვლად ეხლო
გსურს დაივიწყო საქო?..

და მართლაც საველე მუდამ
საქოსთან იყო ფიქრით,
და სიბრალოლით სავსე
ხშირად გარბოდა იქით.
აიკიდებდა კიდევ
ნაცნობთ, შეხვედრილ გზაზე
და დაღონებულს საქოს
მიადგებოდა კარზე.
ეტყოდა; — საქო...საქო!..
ნუ ნაღვლობ, იყავ მაგრათ!..
ვინ გაგიმეტა, ნეტავ.
ჩემი ძმა დასაჩაგრათ!..
პასუხად დაწყევლიდა
საქო წრეგანდელ წელსა,




და შემდეგ საველეს ფულებს
მსწრაფლ აუგებდა წესსა.

II.

ბარბაცით, მღერი-მღერიით
მოდის ქუჩაზე საველე..
თვალწინ სახლები, ქვები
ხან ავლენ, და ხან ჩაველენ.
უაზრო სიხარულით
საესეა გული, თავი;
დღეს ბატკნათ ეჩვენება
გუშინ მგელივით ავი.
ქვადენილს, კედლებს, ბოძებს
დიდხანს უტკერის ბრძნულიდ...
სურს გამოშვლელი ყველა
გულში ჩაიკრას ძმურად.
რა რიგად გამოცვლილა,
ფიქრობს, სოფელი ესე,
დრო მქონდეს, შვიდოდი
მე პარტიისი დღესვე...

თვალწინ სახლები ისევ
ხან ავლენ, და ხან ჩაველენ;
თითქოს ზღვა არის ქუჩა
და ნავი კიდევ საველე.
ბოლოს ერთს ადგილს დადგა
და ფეხებს აღარ იცვლის.
ღაიბნა... ესლა საით
წავიდეს აღარ იცის.
უცბად ტრამეის ვაგონს
შეასწრო ახლოს თვალი,
და გაეჩანა მისკენ
ბარბაცით საველე მთვრალი.
წესებთ წინაშე, ფიქრობს,
პასუხი მხდლებმა აგონჯ,
და უკვე გაქანებულს
შეახტა იგი ვაგონს.
მაგრამ სჩანს ჩვენი გმირი
მოახტა ვაგონს ცუდათ,
რომ წამსვე საფეხურზე
ფეხები დაუტურდა.
და შემდეგ რაც რამ მოხდა,
ეს საველეს ახსოვს ბუნდათ...



მგონი ექსჯერ თუ შეიძჯერ
ყირაზე გადაბრუნდა.
და სანამ დანაშაუგებს
გაისწორებდა კისერს
და შეყენებულს ვაგონს
მივარდებოდა ისევ,
გაბრაზებული ვილაც
ექვტერა კაცი ხენეშით.
ათშაურს მოითხოვდა
და ჩეკს უჩრიდა ხელოში...
მაგრამ სად ნახეთ, კანონს
უფროსოდეს ჩვენი კაცი...

შეიქნა სტვენა... გაჩნდა
 სიწყნარის მცველი მკაცრი.
 და წაათრიეს სწრაფად
 მილიციისკენ სავლე...
 თვალწინ სახლები, ქვეები
 ხან ავლენ, და ხან ჩავლენ...

III.

შორს მთებზე გულსაკლავი
 კივილი ქონდათ ტურებს,
 როდესაც ჩვენი გმირი
 შინისკენ გაისტუმრეს.
 თან მოაძახეს:—წადი,
 და ვაი შენი ბრალი,



ოუ ხვალე აღრიანად
 არ მოიტანე ვალი!..
 თითქმის ფხიზელი, ეხლა
 სავლე შინისკენ მიდის.
 ფიქრობს, სანაცვლოდ ვალის
 ხვალ დილით რას გაყიდის.
 ხშირ-ხშირად დაშვებულს
 იზილავს გვერდზე ალაგს;
 ამბობს, მანეთი ხუთი
 შევწირე მე ღღეს ქალაქს...


იქ კიდევ საწყალ საქოს
 შევეძინე ჰურის ლუქმა...
 საერთოდ ამ ღღეს ჩემთვის
 არ ჩაუვლია უქმად...
 რას იზამ... კაცთა შორის
 უნდა სუფევდეს ძმობა...
 ბუღდებდა სავლეს გულში
 კმაყოფილების გრძობა...
 სული ცაშია თითქოს...
 შორს ყოველივე დარდი!..
 უეტრად შეეჩება
 ვილაქას შავი ლანდი.
 ღამეა... ბნელა ისე,
 როგორც ვირთხების ხერგელში...
 წინ დგას ვილაქა კაცი
 ბასრი ბებუთით ხელში...
 ნუ დაიქანით ტყვილა
 რულეტკავ, ლოტოვ, კარტო!..
 ჩვენს სავლეს გაშტერებულს
 საცვლები შერჩა მარტო...
 ესენი, უთხრა ლანდმა
 და ნაზათ წაქრა ყბაში,
 ჩემს მოსაგონრად გეცვას,
 ატარე მშვიდობაში...
 ცოტა ხნის შემდეგ, სავლე
 გაუღდა ისევ გზასა;
 აკანკალებდა ღამე
 საცვალოთ აშარა მგზავრსა...
 საღლაც ღმუოდა ძაღლი...
 შავ ცას არ უჩნდა კიდევ...
 ნეტავი სავლე საქოს
 მოინახულებს კიდევ?..

სინემატო.



შეხვედრა.

(ჩღაბეკდილება მიღებული ჩვენი აგენტის მიერ)



ციდან ისმოდა ჰაერობლანის ხმაური. ყველამ თავი წაპოჰყუთ და გამომხეურდა.

— ეს არის კერზონის მიერ გამო-სროლილი ყუმბარა, რომელმაც საბჭო-თა რესპუბლიკები უნდა გაანადგუროს.

— გვეღირსა, გვეღირსა—ჩუჩულობ-დენ აქა-იქ.

— ქეშმარიტად, ციდან ღმერთი მო-დის ჩვენს დასახსნელად... გვეღირსა, გვეღირსა.. — ცუნცრუკობდენ და ჩუმად ერთმანეთში მასლაათობდენ „წმინდა-ნები“. მუშები დროშებით გამოსულიყუ-ნენ.

— კი მარამათ რა უნდათ აქ?.. ვაა, იმათ ბრალი; რატომ მიწას არ იხეთქენ და არ ჩაცვივიან შიგ—უკვირდა ღვედელს.

— ალბად ამიტომ მოვიდენ, რომ ღმერთს პატიება სთხოვონ, მარა ღმერთს ღმერთი ისე როგორ გაუწყრება, რომ ესენი შეიბრალოს. განა მაგათ არ და-აქციეს მთელი ქვეყანა.

— ვაი—ეს რა არის?!


ყველამ შეიძახა, როცა გამოჩნდა ჰაერობლანი, რომელშიც ღმერთის და ყუმბარის ნაცულაა მუშების დღეგაცია აღმოჩნდა.

— ჰოო, ამ ტომ მოსულან ეს ქვეყნის დამღუპველები უშველოთ თავს—

და ყველა გაიქცა თავიანთ სოროებში.



ჩინეთი და იმპერიალისტები.



შარალა

წმინდა გიორგიმ რომ მოჰკლა
თავისი მძლავრი ლახვრითა
(ზეზიამ შელაპაჰაჰა,
თუმც არ უნახავს ნახვითა),

მის სახელს დასაწყისიდან
მოსწყვიტეთ ასო ხუთია
და ერთი შორს გადაადგეთ,
არ გვინდა მისი კულია.

შემდეგ მონახეთ საგანი
მახვილი, მკრელი თივისა,
(ხისა ტარი აქვს მას გრძელი,
გვინდა სახელი იმისა).

მას მოაშორეთ თავიდან
ასო პირველი ჩქარადა,
ხუთ ასოს სამი უმატეთ
და მზად გექნებათ შარალა.

მივიღეთ გმირი, რომელიც
მიზანი არის შარალის.
გმირი, რომელიც მტრად გვყავდა
აქაც და იქაც შარალის.

მოძმეებ—მამულიშვილებს
თავს დასცა გლოვის ზარია.
იგი ამღერდა სხვა პანგზე
და აქეთ მოუხარია.

ინგლისი და ეგვიპტე.



მშვიდობიანობის მოყვარულ ინგლისის მშვიდობიანი პოლიტიკა მშვიდობიანობის დასამყარებლად ეგვიპტეში.

რკინის ცოცხი

ტარტაროზო მეუფევე,
ერთხელ კიდევ გენახეო!
ჯოჯოხეთში სამგზავრო
ხალხი მოგინახეო.

ჩვენს ბათომელ ჩიქოვანს
გზა ვერ გაუგნიაო.
ქართულ დავთარს რუსულით
კვალი აუბნიაო.
რევიზორი ფიდერმან
ქალით დამიდნიაო
და მით კუბე-ვაგონი
სრაზუმ მიყიდნიაო.
ადგილკომში მდიენობდა
ნიკოლოზი ჯიქია.

სხვისი ფულის გაფლანგვა,
რა ვქნა, აღარ მიქია.
როცა გინდა ფულები
მიდი კოლა ნახეო.
ფულს გიშოვის, ოღონდაც
ბლომად ატრაბახეო.
სადგურ ქვალონს არა აქვს
კულტურული რამეო.
თამაშობენ კარტს და ნარდს
ყოველ დღე და ლამეო.
ჰყიდიან და აგებენ
დღე ადგებათ მწარეო,
მათ ცოლშვილს კი ცრემლები
სცვივა ცხარე-ცხარეო.

ბერიონი

გურული სცენა.

კილავ, რაც ჩემ თავს მივესარი, ამისანა საქმეს არ შევწრივარ!

ერთ ხანას იყო და ეშმაკის მათრახი უწყევალუნებდა ერთ და მეორეს: თუმცა სულოცოდვილო ამ ჩვენ ხუცებს და ვაჭრებს არც ქე მოხთენია ხეირიანათ იმის კუდი; მერე იყო და გამოუშვეს რაცხა ლიანგიაო; ილიანგა იმ ლიანგმა ერთხანს და მერე ქე ჩეიკინდა ენა.

ერთ ღღეს გვეიხედე და ჩემმა ბიჭმა შალიკელამ მეიტანა გაზეთი... მუშას რომ უძახიენ. გადავშალე, ვადმოვშალე, ენახე ერთ ადგილას დუუხატავენ რაცხა უშველებელი ჯაგარიანი კაცი.

ქვეშ ეწერა: ამ პაწა ხანში გამუა ტანტაროზიო!

— ფუი ეშმაკს! ვიფიქრე, ტანტაროზი და კუდიანი რა ეშმაკათ მინდა, რაცხა კაი თუ გამუა თვარა, ტანტაროზი თუ გამოშპა, კას საქმეს მაინც არ იზამს მეთქი.

გეიარა ღროი, შენ ხარ ჩემო ბატონი და შალიკელამ კილომ ქე მეიტანა იგი გაზეთი. მარა გაზეთს იგი რაცხა ტანტაროზია, იგიც მოყვა.

რაცხა იღბლად, ყანა-ბახჩა ქე შევთავებელე, შეშაც მაქ ზაბასნათ, აი ღიდრუანი ღამეები ქია; დავანთე ცეხლი, ავანთე სანაფთიე, მუუყედით მე და ჩემი დესპინე ფუხარს და დევიწყეთ ტანტაროზის კითხვა. დევიწყეთ, მარა რა დევიწყეთ; ერთი ორი პწყარი კი წვეიკითხეთ თვარა-ფუტყდა დესპინეს სიცლი; უუტყდა მარა რაფერ! აყყევი იმას მეც, მივსდექით და იმდენი ვიციენეთ, იმდენი ვიციენეთ, რომ მგონია ტყლიპი ჩაგვექცა.

ღედავ, რა ნახა თვალმა და რა გეიგონა ყურმა; რავა დაკპინა ამ ტანტაროზმა ყოლიკაცი; შავის შიშით მგონია ვერც ერთი ვაჭარი, ღვდელი და ვერც ერთი მეშვენიკი ველარ გაბედავს ხმის ამოღებას.

აბა, შენ იცი, ჩემო ტანტაროზავ! უკბინე და უბჭკინე ყველას, ვინც არ მოგეწონოს, მარა თუ ძმა ხარ, ხან და ხან ჯეკაკურ მილინციეს უმფროსებს და თემების თავმჯდომარეებსაც ნუ მოაკლედ მოწყალებას; შენ გენაცვალე, იგიც დამიწერე მაქანაი, გაზეთებში რომესწერია ექიმის ალაგი უნდა გავაკეთოთ სოფლებშიო, ბარელამ მალე მუაწყონ დაპაწაპაწა წამლები გამოგვიგზანონ, თვარა ჩემი დესპინაი ქე მომიკვტება ციებით და მერე შენ ხომ ვერ შეგაწუხებ ქალის გამოშობაულღებშია.

მეც ქე მინლოდა შენდა რამე გამოგზანა, მარა არ მაქ იმდენი გამოცდილობა და, სულოცოდვილო, ბიჭმა ქახალდიც არ მომცა. აი რვეული კლაში მოგცეს და ვერ ამოვხვევ შითო.

ისე ჩვენ ქე ვართ გვარიანთ, მარა გაზეთების კანტორა თუნახო რამე უთხარი. გაზეთები ხეირიანათ გამოგვიგზანოს, თვარა ჩვენ სამკითხველოში რომ შეხვიდე, აქლა ქრიშობისთვეა და გიორგობისთვის გაზეთები თუ ნახე-იმიზაც მადლობელი უნდა იყო!

ისარი-



კურთხევა

(ხალხური ახალი სიმღერა)

ჩენს ეკზარხოს მოესურვა
ძველებურად ტაბლის ჭამა.
ადგა, ჯვარი გადისახა
და ახსენა ზეცის მამა.
ჩხპო ღვდლები... უთხრა: ენახოთ
რამე ღონის ძიებაო,
თორემ სიმშილ-წყურვილთა
დაგვემართა ციებაო.
ეკლესიის საკურთხებლად
გვპატიჟობენ სეირშიაო,
კომუნისტებს აღარ სცნობენ,
ყველა იმით ძვირშიაო

—
ეკლესია აკურთხეს და
თანაც იძღეს მუცლებიო

და იქედან მხიარულნი
 გამობრუნდენ ხუკებიო.
 ქუთაისში რომ მოვიდენ
 შეეგებათ იმათ ჩეკა;
 ნუ იფიქრებთ — გაუკეთეს
 ან „ობისკი“ ან და ჩხრეკა.
 ტკბილად უთხრეს: კურთხეულნო,
 ველარ გავძლებთ ჩვენ უღვთოთო
 და ამიტომ გვევდრებით
 ჩეკაც უნდა გვეკურთხოთო.

მოუსმინეს, უკან გაჰყვენ
 ყველა ჩეკის საკურთხებლად;
 აკურთხეს და იგი ბინა
 იმათ დარჩათ საკურთხებად.

გელათელი



ჩაბი მოღვა

მოკვდა ივედი მრავალფრთიანი
 მე სიხარულით აზრს რომ მირყევდა.
 სოფლის წესებში მომცეს ზიანი,
 ლხინის სანაცვლოდ მეუფლა სევდა.
 მევონა ქვესკნელს დავიუფლებდი,
 ქვეყნად მოვფენდი ჩემს ძლიერებას,
 ცხოვრებას მტკიცე კვალს გავავლებდი,
 დაღს დავაჩენდი ბედნიერებას.
 არ მეშინოდა მე გასაჰირთა
 და მამაცურად მეჰირა სახე.
 მაგონდებოდა საქმენი გმირთა,
 მათი მიბაძვა მე განვიძრახე.

ამას ვამბობდი მტკიცედ დღე ყოველ:
 გარდავთვალავ-თქო გარდაუვალ გზებს...
 სოფლის დამგმობი ქალაქში მოველ
 — აქ კი სურვილი ცეცხლს უფრო მიგ-
 რძნებს.

არც ტანსაცმელი, არც პურის ფული
 და არც თუთუნის წყეულ ჯიბეში. 1)
 გავსცქერი ქალაქს გულ დადალული
 და ხმა ამოდის ამონახენეში.


მინდა თუთუნი რომ გავაბოლო,
 მაგრამ რომ არ მაქვს მე იგი პირში?!
 ო, ჩემსა ტანჯვას არ უჩანს ბოლო,
 სულა ამხდება ამ გასაჰირში.

მტერიან ოთახში ჩვენა ვართ საჰი,
 სხვაც ჩემებრ არის ბედგანამწყრალი.
 გვაქვს დარყეული ტახტი და სკამი
 და ერთი ლამფა გულ ამომშრალი!

გავყურებ სოფელს... გულს აძევსლოდი,
 რადგან საშველად არავინ მოდის
 და ესტირი ჩუმაღ გულ დანაკოდი:
 ეჰ! საწყალ სტუდენტს ეშველოს როდის.

რაკქნა არ ვიცი, მუდამ ვყოყმანობ,
 ვიცი გავზდები ასაბარებში,
 მოვკვდები, მაგრამ სიკვდილს არ ვნანობ
 ხორცად თუ ვინმეს გამოვადლები.

ღარბი.



1) იქნებ თქვენი ჯიბე დახულია და ამიტომ არ იცდის ზიგ ფული და თამბაქო. ნახეთ კარგად. ტ ა რ ტ ა რ ო ზ ი.

ჩ ვ ე ნ ე ზ ა

სახელმწიფო უნივერსიტეტის სტუდენტ სიკო ალმასხანის—ძე თავქარიანობის შესახებ სტუდენტთა სასადილოში მის მიერ მომხდარ დავიდარბაზე.

ათი წლის სტუდენტი ვარ. წელს მინდა ჩავაბარო ერთი საგანი. შაბათს, ცამეტ აკვისტოს ლექცია არ მომიმენია, რადგან სანადიროდ ვიყავი წასული, რომ სადმე ჩაის შევსწრებოდი და სადილის ფული მეშოვნა.

თორმეტ საათზე ჩვენს სასადილოში რიგი დავიკავე სადილის ჩეკის ასაღებად. ქული სკამზე დაეტოვე. (ეს ნიშნაია, რომ სკამი დაკავებულია).




რიგში პური შემომეკემა (ეს ჩვეულებრივი მოვლენაა) სადილის საყიდლოდ დამაკლდა მხოლოდ ცხრა კაპეიკი (ეს კი იშვიათი მოვლენაა, რადგან ცხრა კაპეიკი არა მაქვს არასოდეს).

წოთხის ნახევარზე ჩეკი ავიღე. ჩემდა საუბედუროდ ჩეკი საშას გადავეცი. ოოცა დაებრუნდი სკამი არ დამხვდა, ხოლო ქული იატაკზე ეგდო. სკამის წაშლებთან მომივიდა ჩხუბი. ვიმსხვერპლე ორი სკამი, მაგიდის სამი ფეხი, ოთხი თეფში და დაზიანდა პუთი სტუდენტის თავი.



მოზავე ირაინ აღმოჩნდა, ვინაიდან ყველას ასქმე ჰქონდა. ზოგი სადილოზდა, ზოგიც ჩეკის და სკამის რიგში იდგა.

ხუთ საათზე საშამ მომიტანა სუპი, შიგ არ იყო სუპი და არც ხოცის ნაქერი. ობლად სცურავდა ლობიოს ერთი მარცვალი, როგორც შვე ჯღვაში პატარა ნაფი. კოვზი არ იყო. ჩანგლით მისი დაქე-



რა შეუძლებელი გახდა. გავიხადე ტუფურკა და დავაპირე თეფში დაყვინთვა ლობიოს დასაქვრად, მაგრამ ამ დროს ჩემს მაგიდაზე სკამი დაეცა. ძმა-ბიჭებს ჩხუბი მოსვლიდა ჩემსავეთ, მხოლოდ აწით პურის გაყოფაზე.


თეფში გატყდა და სუპი დაიღვარა. მშვიერი დავჩი. ვერც საღამოს მოვისმინე ლექცია (თუმცა ზმას მნიშვნელობა არა აქვს).

ფული რომ მქონდეს ჩვენს სასადილოში არ ვისადილებ.

მართლაც გენიოსია ჩვენი ერი. ამას ამტკიცებს მისი ანდაზა: „კემა ქონებაზე ჰკილია“.

თუ გავიგე ქონება რაზე ჰკილია, მაშინ კარგად წავა ჩემი სკამე. დასამატებელი არაფერი მაქვს.

ხლაფორთი



მუვილოზიანი კვირა

ტფილისში

მთვრალ შოფერს ამ კვირაში ავტომობილით არაფერს გაუსრესია.

სახლის პატრონებს მოხერხებით მდგმურები ქუჩაში არ გამოუყრია.

სასადილო „რაქა“ს მიკიტნებს სასმელ-საქმელის ფასების გამო თავიანთ მუშტრებს არ წაჩხუბებია

იარაღების ჯიბგირებს და ქურდ-ბაცაცებს მოქალაქენი არ გაუძარცვათ.

მუშკორებისათვის არაფერს უცემია.

სახლებში მოქმედებენ ლოთებს მეზობლები არ შეუწყუბებია.

ცოლ-ქმარნი არსად გაყრილან

კომუნისტების წინააღმდეგ კონტრ-რევოლუციონური განგაში და ცილის წამებები არსად მოხდარა.

თეატრებში და ტრამვაიზე წესიერება არაფერს დაურღვევია.

ვექილებს ცუდი არაფერი მოუხდენიათ...

აფთიაქებს აღარაფერს მოუწამლიათ.

ვენახთ შემდეგი კვირები თუ როგორი იქნება.

„ღ“

პურმოკრული

— გეუტქ, იცა რა გითხრა?.. დღეს ისეთი დრო არის, რომა თუ პარტიაში არა ხარ, ძნელია ცხოვრება. მოდი და ჩვენც ჩავეწეროთ პარტიაში.

— ვა, გიყი ხარ?.. რა ჩვენი საქმეა კომუნისტობა.

— ვა, შე ოხერო შენა, თუ კი მაშენიკურ პარტიაში მიგვიღეს, რატომ არ მიგვიღებენ ბოლშენიკები.


— შე ვირისთავო შენა, განა მეშენიკური და ბოლშენიკური პარტია ერთია? მეშენიკურ პარტიაში შესავალი კარები იმოდენა იყო რომა, შენი ღიბი არხეინად შევიდოდა. გამოსვლა კი აღარ შეგძლო.

ბოლშენიკების პარტიაში კი, შესავალი კარები ისე პატარა არის, რომა თაგვის საძრომელასა ჰგავს... შენი ღიბი შიგ ვერ შევა... მაგრამა გამოსავალი

იმოდენა არის, რომა არხეინად გამოგორდები... შიგ რომ შეხვიდე, აი ეგ ღიბი უნდა მოიქრა.

— არა ძმაო, არ მინდა, ჩემთვის ვეგდები. მე ამ ღიბისათვის მინდა ყველაფერი... წამოდი საქოსთან გადავკრათ.

ეკალ-ვარდი.



ტარტაროზის მისვლა უმრავლესში

კვირა დღე იყო. ტფილისიდან მატარებელს ტარტაროზი ჩამოჰყვა. მან ყველას ყურადღება მიიპყრო. დედლებმა, თავადებმა, ადგილობრივ ებრაელებმა, მიკიტნებმა და ამათ მგზავრებმა მოაწყვეს სასწრაფო კრება.

მე როგორც ტარტაროზის ადგილობრივი აგენტ-ტი თვალყურს ვადევნებდი ამ კრებას.

ყველაზე უფრო შიში ებრაელს ეტყობოდა და მოუსვენრად გაიძახოდა:

— ვაი, ვადაი... მაი ბანჯგვლიახი თუ იქნა აქა ვილა წამიყვანს უბილეთოთ საჩხერეში?.. ვაი... ვაი... ეს რა უბედურება მოვიდა აქააა...—

ღვდელი პირჯვარს იწერდა და ლოცულობდა: ღმერთო შეგვეწიე და დაგვიფარე. იკმარე ჩვენი ოთხი წლის წამება. დაიხსენ საქრისტიანო საქართველო ტარტაროზისაგან...

გადასწყვიტეს ტარტაროზის შეპყრობა. წილი ჰყარეს და ებრაელს ერგო.

— ვაი, რას მელაპარაკებით თქვენეექ? ვერ დაინახეთ რამოდენა ჩანგალი ექირაა?.. კი არ წამომაგებს ზედეე?..

ამ დროს ტარტაროზი სადგურიდან გამოვიდა. კრებას შეეშინდა და ყველა გაიძარა... ებრაელი სადღაც იქვე მიიძალა.

მუშებმა დაინახეს ტარტაროზი, აღტაცებული მივარდნ მასთან, ხელში აიყვანეს და „ეაშა“-ს ძახილით ქარხნებში წაიყვანეს.

დაწვრილებით ცნობებს მოგაწვდით შემდეგ.

წაფული.

მოქმედილი ამბები

— ქუთაისი:

დრამატიული წრის მეორე კონფერენცია ჩატარდა აყალმაყალით და 2-3 წევრის კბილების ჩალეწით.

ახლად ამორჩეულმა დრამწრის ადგილკომმა გამოიმუშავა წესდება, რომლის ძალით გადიდებულია ნორმა მაქრით წონასწორობისა... რეჟისორის თანაშემწის პოსტის დაკავების ორომტრიალი ჯერ არ გათავებულა სცენით მოყვარეთა შორის...

აქაურმა მიკიტნებმა დაადგინეს:

სასტიკი წინააღმდეგობა გაუწიონ წითელ სასაღილოს განხას, რის გამო მეტად გააიფეს მხვარი სასმელები.

იქიდანვე:

აქაურ ქალიშვილთა მოარშიყე ორგანიზაციის თავდაცვის კომიტეტის თავმჯდომარედ 348 ხმით წინააღმდეგ 17, ამირიჩიეს აშხ. კოსტაიდი...

რიონი:

„ზაქტპოს“ გახსნამ კინალამ თვითმკვლელობა მოახდინა ნიკიფორე ბერაძეზე... მიღებულია ზომები მის თავდასაცავათ...

მუხიანი:

ვინაიდან აქაური სამკითხველო მშენებრად დალბა და მის კეთილ გამშენებრებაზე ეს ორი წელია არაფერ ფიქრობს, ადგილობრივმა მოვაჭრეებმა გადასწყვიტეს ლიკვიდაცია უყონ ცარიელ შენობას.

სამტრედია.

სადგურის ბაქანზე მოსეირნე მოსწავლე. ახალა გაზრდობას ხელს უშლიან მგზავრები. საჭიროა რკ. გზის ადმინისტრაციამ გასცეს განკარგულება, რათა მგზავრები მატარებლებიდან არ გადმოვიდნენ.

ვინაიდან პარასკეობით სამტრედიაში მოდიან კაქრები და საღამოებით მათ უხდებანთ საბარგო მატარებლებით უკან დაბრუნება (რაც შეუტაცობაა მათთვის), ამიტომ საჭიროა დაინიშნოს განსაკუთრებული მატარებელი, რომ აკილებულ იქნეს კისერტება მატარებლიდან გადმოხტომის დროს

მუშათა კლუბში, სადაც ადგილობრივი სცენის მოყვარენი და მუსიკის დამკვრელნი თავიანთი კეთილ-ნაცნობებით ვერ ეტყვიან, მუშა მოსამსახურეებს ეკრძალებად შესვლა. ნაყიდი ბილეთებით მათ შეუძლიან უკან გაბრუნება და თავიანთ სახლში შესვლა.

სადგურის დარბაზი გადაკეთებულია საბარგო განყოფილებად დადასაძინებელ სახლად. მოსვენება და ძილი შეიძლება მაგიდებზე



სამკითხველოში შესვლა თანახმად სამკითხველოს მეთვალყურექალის სურვილისა ეკრძალება ყველა მუშა მოსამსახურეს, რომელსაც უფულობის გამო კალოშები არ აცვია ფეხებზე.

ნიგეზიანი (გურია)

ნიგეზიან-ჯურუყვეთის გლეხკომს განაგებს შტატს ვარეშე დარჩენილ ვაქართა ერთი ჯგუფი. საზოგადოება კმაყოფილია მათი ნაყოფიერი მუშაობით და დარწმუნებულია, რომ მათ შორის ღარიბ გლეხობის სასარგებლოდ არ ექნება არავითარი უთანხმოების ადგილი, მით უმეტეს რომ ხსენებული პირები ერთმანეთის ნათესავეები არიან.

— სადგურის უფროსმა ქყონიამ სადგურში სისუფთავის დაცვის მიზნით დააბატიმრა ფილიპე ტულუშის ერთადერთი თხა და გაყიდა. გამოირკვა რომ გაყიდვა მომხდარა გაუგებრობაზე; მას ჰგონებია, რომ თხა იყო მისი, რადგან ტულუშის თხა მეტად ჰგავდა ქყონიას თხას.

— ვინაიდან ჩვენს ებოში დამპალი თევზი უკვე გათავდა და აფთიაქებში საფალარათო ზეთის მოთხოვნილება შემცირდა, ამიტომ „გაბრაზებულმა“ გ. ხუნდაძემ ებოში სამსახურს დაეთხოვა.

— ვინაიდან ჩვენს ებოში გამგეობა მემკვიდროებითი და კაპინტიდან მათი [გადადგომა შეუძლებელია, ამიტომ გამგეობა ღრმა მწუხარებას გამოსთქვამს რომ არც ერთ მათგანს შვილი არა ჰყავთ და მემკვიდროება უნაშობა.

— ლობტარმა გრიშა ხუნდაძემ სამუდამოდ გარიცხა მომღერალთა გუნდიდან გ. ლალიძე რომ

მელმაც ბანი ვერ უთხრა სოლოზე; ხოლო ნიკიფო და ბიკტორი დასტოვა, როგორც კარგი გამყინვანები. კონცერტები იმართება დღის ორ საათიდან სამიკტონებში, კასიანეს ბუტკაში და ნიგვზიანის პროსპექტზე.


— მიკტონების კაფშირი შეიერთა გლეხკომის სასადილომ. პარველ ყოვლისა კაფშირი შეუდგა თავისი ღვინის გასაღებას.

ხუმტური.

ახალ-სენაკი.

გამორჩევა, რომ ელექტრონის სინათლე მეტად მკვნიბელი ყოფილა თვალებისათვის, ამიტომ ელექტრონის განათების მაგივრად შემოიღეს უნაყოფო ლამფებით განათება.

ბ.



ცაგერი

დამთავრდა ადგილობრივ ვაჭრების, მიკიტნების და სპეკულიანტების კონფერენცია.

პირველი მოხსენება გააკეთა გაბერილმა გენოზიმ, რომელმაც განაცხადა, რომ ცაგერის „ეპო“ს მიერ გახსნილია წითელი სასადილო, სადაც ყველა მოსამსახურეები და გლეხები სადილობენ; ეს კი იწვევს ჩვენს გაკოტრებას და მცხოვრებლებში ჩვენი სახლის დაკვმას. ამისათვის საჭიროა რაც შეიძლება ჩქარა მივიღოთ ზომები.

ამ საკითხის შესახებ ღიპიან ბეგლარმა შემოიტანა შედეგი რეზოლიუცია: კონფერენცია სცნობს მიზან შეწონილად ჩვენს გაერთიანებას, რომ შეესაძლოთ მუშა—მოსამსახურეებისათვის ტყავის გაძრობა ჩვენი ჯიბეების სასარგებლოდ.

რეზოლუცია ერთ ხმით იქნა მიღებული. პროგრამისა და ზესდების შემუშავება მიენდო გენოზის და ბეგლარის.

თეატრის მდგომარეობის შესახებ ღიპიანი ბეგლარი აღნიშნავს შემდეგს: ჩვენ მივიღეთ ცნობა, თითქოს მთავრობას (რასაკვირველია ცაგერის) განუზრახავს თეატრის შეკეთება. ეს გარემოება მეტად დამაფიქრებელია, მართალია ჩვენი მთავრობა არც ისე უთავბოლოდ დახარჯავს სახელმწიფო თანხებს, მაგრამ მოსალოდნელია შეცდეს და თეატრი მართლა შეაკეთოს, რაც ჩვენთვის არასასარგებლოა. თუ თეატრი შეკეთებულ იქნა საზოგადოებას მიიზიდავს, ცალი და შეიღები შეგვაწუხებენ ბილეთების ყიდვისათვის, რაც ჯიბეზე ცუდ გავლენას ახდენს.

ამისათვის ეთხოვოს მთავრობას თეატრი არ შეაკეთოს. თუ ვინმე სიცივისაგან ან და სხვა რაიმე უბედურ შეთხვევის გამო წარმოდგენის დროს მოკვდება, დასაფლავების ხარჯებს კისრულობს ჩვენი კონფერენცია.

რაკ—რაკო.

წ. შ. მთავრობამ დააკმაყოფილა კონფერენციის მოთხოვნა და თეატრის შეკეთებაზე ხელი აიღო, თუმცა მაინც აღებული ჰქონდა

რ—კ.



გაფრთხილება

დღეს ჩვენს კორესპოდენტებს ჩვენი ფოსტით არ უბასუხებთ, რადგან მათი ფოსტაში მოთავსება შეუძლებელია სიმრავლის გამო.

ავტორებს, რომლების წერილი არ არის მოთავსებული, შეუძლიათ თავისი წერილი ეძიონ ეგრედ წოდებულ უფსკვრო გოდორში.

დაკარგულ წერილებზე ტარტაროზი ჯარ არის პასუხისმგებელი, რადგან საჭიროებისათვის შემოეხარჯებოდა.

ტარტაროზი მეტად გაბრაზებულია ავტორებზე. წერილების გარჩევის დროს ასე გაიძახის:



- ძველი ამბავი —
- გაგინძეს თავი —
- სიტყვები მშრალი —
- დაგი გეს თვალი —
- არ იცის წერა —
- დაგექცეს კერა —
- რა მოუწმინხავს

ამ ოჯახქორსა?
 კაცი ვერ ნახავს
 აქ სიტყვას წორსა —
 და წერილებს ერთმანეთზე
 პირდაპირი და სწრაფი მაშრუტით
 უფსკერო გოდორისაკენ ავზავნის.
 ტარტაროზის ბრძანებით ვა-
 ბრთხილებთ ყველას სასტიკად და-
 იცვან მართლწერა და სიცილი;
 წინააღმდეგ შემთხვევაში მათ მი-
 მართ მიღებული იქნება ტარტა-
 როზის მიერ სასტიკზე უსასტიკესი
 ზომები.

ტარტაროზის პირადი
 მდივანი: კინჭარი

უმაღლეს სატარტაროზო საპროს საჯოჯოხეთო გაერთიანება.

„ტარტაროსტრესტი“

ცენტრალური სამრეწველო და საბითუმო საფუოგები

ტფილისი,
 ტარტაროზის გამზირი,
 № 10000

განყოფილებანი და
 სააგენტოები

ტელეფონი
 № 000000 - 0004.

საჯოჯოხეთის ფედერატიულ კავშირის ყველა მთავარ ქალაქებში, სატარტაროზო
 ახალშენებში, საკუდიანოს ნავთსადგურებში.

საგანგებო წარმოებადგენლოგა მარსუ.

ამზადებს ადუღებულ კუპრს, ნიშადურს, (საყნოველსა და ამოსაცხებს), შამფურებს, შუბებს,
 ჯადგისებს, შოლტებს, კინჭარის თოკებს, ნაგავის საზიდებს. კუბოებს, ლუქარდებს, ალვირებს, კურტნებს,
 ბურნუთს და სხვა და სხვა საამდროვო მედიკამენტებს.

ტრესტის მალაზიებში მუდამ მოიპოვება, როგორც ადგილობრივი, ისე ტარტაროზგარეთიდან
 ახლადმიღებული საჯოჯოხეთო ნაწარმოებნი.

ტრესტი იღებს დაკვეთებს: კონტრ-რევოლიუციასთან სდრძოლველ იარაღების დასამზადებლად.

პარტიოებით მყიდველთ 100 0/0-ის ფასდაკლ-ებით.

ტარტაროზის რადიო

ბრძანება № 2.



სატარტაროზოს ყველა კუთხეში,
სადაც კი არის ბრიყვი, უხეში
და სადაც არის ჩვენი აგენტი.
(ზოგან მრავალი და ზოგან კენტი)

ის?ინოს ყველამ:

ამერიიდან

ვინც უნდა იყოს არ მიერიდონ.
შეიპყრონ ყველგან მანე სულეები
და გამოგზავნონ გაბაწრულები,
რადიო სადგურს გამოატანონ.
(ამისთვის ხარჯი არ დაინანონ).

ახალი წელი მოგვადგა კარზე
მისი შეხვედრის არ ვართ უარზე.

საჭირო არის მრავალი ძღვენი.
მათი მოტანა ვალია თქვენი.

არ დაივიწყონ არც ერთი მტერი.
ეხლა აგზავნეთ ღვედელი და ბერი.
აკი ყოველთვის კრძალვით და რილით
იმათ აქეთკენ ჩვენ გვიგზავნილით.
აჰა, აღსრულდა თქვენი სურვილი
და მოიკალით ეხლა წყურვილი.

ჯოჯოხეთის მთავრობის
თავმჯდომარე: ტარტაროზი

საქმეთა მმართველი: ყიამეთი.

დედანთან სწორია:

მდივანი: ჭინჭარი,



გაზეთი

„-ს

„ტარტაროზი“

დაურიგდება უფასოდ ყველა
ხელის მომწერლებს.

პასუხისმგებელი რედაქტორი

პ. მ. საყვარელიძე